

思伯子堂詩集

思伯子堂詩集卷十九

建甯張際亮亭甫

二月二十九日自里門赴汴梁是日行三十里宿於刊都符氏別業次日至南豐卻寄贊夫益謙雅

懷厚園諸子

癸巳

出門慈母悲在家慈母喜如何更遠游扁舟涉江水江水亦西東吾行那時已交親走相送轉益平生恥賤豈怨飢寒貧多累鄉里幽憂復誰告生存賸數子慰彼泉下懷

謂嚴山也

余以去年仲冬抵家嚴山八

嗟余恐已

矣清晨置樽酒話別未移晷

是日贊夫益謙自家來送余行宿於雅懷齋中是早

略謂中年各多故太息但相視與轡踰嶺行去余村十五里即百

丈嶺乃江日夕隨所止主人意何勤痛飲渴醅醴醉中

憫吾兄符氏主人與先伯兄爲兄弟交今年六十九而伯兄存不及六十沒今年矣游處必

豪士詰朝未許發百杯戒行駛春城雨復風夜宿萬巒

起崩波遶老屋寒燈閃花蘂淒淒切骨肉歷歷數朋友

江魚飲江流下上見頰尾枯魚不敢泣作書報魴鯉

將發南昌程玉農廉訪惠書謬有李杜之推慨然

感懷口占二絕句

徐孺門前碧水流滕王閣下白雲秋夕陽風色來千里

短髮天涯謫四愁

憐才亦有賀賓客知己非無韋左丞慙愧十年獨乞食

蕭蕭風雨望廬陵

時將赴吉安周小湖學使之招

琵琶亭晚望慨然成詠

夕陽天外來江漢風帆闌前別楚吳千里蛟龍吹白浪
一城鴻雁下黃蘆東南祓歲嗟何劇今古浮雲變屢殊
何怪唐家多事日青衫司馬泣踟躕

黃鶴樓

日落楚雲白天清江漢秋千帆出樊口萬里盡滄洲我
欲乘黃鶴重尋崔李游風塵更無地獨醉此高樓

至光州先寄小湖學使道中

使者前旌陳宋還故人終日定城閒
恰逢新綠生涼雨不放遙青對遠山
北關方思雲五色都下禮闈已揭曉此閒尙無邸抄海內老友如郭羽可潘四農黃香鐸宋子庭諸君固滿望其得第也
中原敢恨鬢雙斑會看瑣院當頭月
此意空明一笑閒

至汝甯作

申息迢迢更汝濱望鄉懷古總銷魂
斷鴉落日長淮水獵犬平蕪上蔡門
方響浮雲悲樂伎幽蘭烽火泣王孫
奉高土室終無恙回首青山憶故園

尉氏道中偶作

茫茫大地蟻封環豈信吾行似磨閒
極遠天光惟見樹

最高雲影不銜山疏風落日蟬聲永細草平沙馬跡閒
父老瓜棚無一事坐談晴雨課耕還

癸巳七月將自大梁之粵東姚子壽椿劉子敬師

陸二丈蔣子瀟

湖南

同年連日置酒慨然留別

孝王賓客浮雲散梁苑山河落照深我輩招尋重弔古
少年飄泊到如今還馳匹馬秋風外卻望孤鴻瘴海陰
猶是鄒枚游燕地酒闌那得不霑襟

次韻小湖學使贈別

足跡生平半九州更思五嶺問荒郵中原夕照家何在
南國雲山轍欲周豈謂鳶肩當路惜真同鱸膾過江謀

秋風莫折梁園柳三見行人萬里遊

丙戌辛卯入都皆道大梁

北望長安繫遠思浮雲白日恨何辭正慙工部辭趨幕

轉憶平津諫納貲

用卜式傳語

籌策頗看輕似奕度支多恐

漏成卮一尊揮手天涯路誰更論文比色絲

奉酬子壽丈贈別

東南耆舊凋零盡玉局猶看似醉翁

丈人爲姚惜翁高弟子

名輩

山陽悲落日暮年河嶽獨秋風相逢莫惜連朝醉異地

安知再見同萬里炎荒窮海路卽時去馬已恩恩

道中寄懷子敬丈

秋風動河朔倦客思南征浩然向江海意氣猶縱橫丈

人顧我歎賤子豈爲名富貴洵有命奈此飢寒營出自
古宋門迴望嵩高明中原正落日野雁相哀鳴蕭蕭車
馬發感念哀平生心隨河水逝東去非無情物變日以
滋素履聖所貞終當勵進退庶以要吾誠

蘭陽

丙戌隨伯兄入
燕于此渡河

如此長河水依然送遠行誰知南北路自愴死生情病
馬嘶殘照飢鳥遶廢城天涯正秋色獨往淚縱橫

宿雙堤口

屬歸德府商虞廳對
岸卽首州附郭地也

驛館積沙岸勞人卽故廬秋風滿曹宋河勢下淮徐漲
盛宣防重宵涼夢寐虛天涯頻遇舊是夜王青園司馬
留宿驛館遇光澤

何禮門明府之兄
前年別于汴梁
奔走嘆何如

歸德至碭山口號

中原戰爭地廢興何足哀登高望秋色但見長河來禾黍高隱人白日蔽黃埃安知百世上崛起多雄才時咸暨草木世屯奮雲雷廣武歎何爲人生常遷推鴻鵠一以逝鳳凰安在哉乃悲原野閒有鳥孤徘徊

徐州

芒碭浮雲曉夜秋誰憐劉項盡荒邱徒聞大澤靈蛇死不見高臺駿馬游河氣抱城寒白日角聲吹月落黃樓哀鴻徧野無因問俯仰猶懷萬古愁

聞蟬

千里垂楊柳西風一夕生如何殘照恨復此亂蟬聲飲
露終難潔知秋自不平江南今夜月淒淒幾家鳴

驟斃

風雨車行一驟竟死憫其長途凍餒受御者惡
咎以至是猶世亂而豪傑莫展其用且不保其
躬故作此詩

嗟汝亦神駿如何竟委徂平生千里志此恨九原俱飢
飽常歧路存亡付僕夫明朝畏風雨誰與效馳驅

清江浦

一鳥寒陰沒千家水氣浮南船通北馬河勢奪淮流死

徙悲生命

連歲此間
流亡載道

新愁觸舊舟

去歲閏九月買舟於
此今歲復乘其舟焉

艱難頻遠道容易更窮秋

泊淮安城下寄懷潘四農

德輿解元

聞君失意獨南歸應望梁園秋雁飛
斜渡長淮不相見可知遙夜此霑衣

至揚州李蘭卿

彥章

觀察次小湖學使詩韻贈別

因次韻奉酬

常州回首憶閩州

庚寅別于福州去年
十月遇于昆陵州中

歲月曾驚速置

郵重向廣陵逢太白乍辭鞏洛弔東周天涯奔走終何

意國士行藏豈自謀遙夜一尊無憾在江山到處話清游

千里孤行帳有思一時下策愧無辭王郎未必苛僮約

頃在汴僕輩不願遠行學使遣役送至京口今觀察復遣役送至常州廷尉何當耗仲貲

行態浮雲明倦眼江頭涼雨送行卮相期更對金焦月多恐風塵減鬢絲

再次韻奉贈觀察

西邕萬里典方州召弩蠻司徧驛郵風雨更聞思屢廣

觀察闢建思恩府試院記云余猥以一郡斯民之長深

有廣廈萬間之思今屬郡尤東南人才所萃願無忘此

意竹鞍先喜捷堤周揚程廳所屬堤工皆前期增築高

也三尺今歲淮湖雖溢獨不爲患且

思伯子堂詩集卷十九

力持不開昭關壩
下游秋收可望矣
濤奔白馬思枚叔
山望金陵弔仲謀
能使哀鴻還奠集
使君何必廢觀游

曠代歐蘇最可思
紅橋歇絕治春辭
流亡難繪監門畫
鹽莢頻虧少府貲
應念同庖非越俎
坐看皆醉尙揚卮
秋風夕照平山路
搖落當年萬柳絲

平山堂

東南財賦區廣陵
尤佳麗百年久富庶
及今乃凋敝我
來平山堂眺覽忽
歔歔名園已榛莽
畫牆尤映翳往往
見文石缺壞垂碧
荔孤舟入荷花百
轉濛煙翠岸蟬響
疏柳砌蟲吟古桂
蕭寥萬籟風竟日
絕歌吹憶昔舉

時巡

兩朝蹟相繼山川美吳越

黃屋各迢遞茲鄉商賈豪土木工位置光輝徧巖壑故
事有載記後來筦榷臣文采侈修禊燈船照夜水金錢
散娛戲萬物互盈絀俯仰情已異

朝廷裁此官千家泣無計請看路旁兒號乞復何意臨
流酒榭荒聽法經臺閉卻登最高樓坐攬長江勢青蒼
京口山落日在檐際崩騰送奔濤鬱勃想戰氣賢豪不
可作慷慨閔浮世朝矜羅綺叢夕痛流離地竊嘗疑天
心何屢變人事回榜趨晚發暝色孤飛至秋河落波底

思伯子堂詩集

卷十九

七

纜壓眾星繫羣公勸浮觴是日李觀察令羣從偕遊剪燭話興替誰能縱游觀使人發深唱

史閣部墓

七月二十三日
蘭卿觀察同謁

四將分兵日中臺出鎮年人心嗟已去國步竟難延裹革屍何在招魂葬可憐空思宋南渡莫望晉東遷劇想平生烈遭逢末造偏何慙信國夢不負左公賢討賊平原勇勤王留守先六軍共甘苦五夜尙恭虔韓岳誰專闡汪黃自擅權罪猶尋黨錮寵更藉嬋娟春恨桃花扇風懷燕子箋新亭虛對泣淝水果投鞭力盡睢陽困軀終綿竹捐白頭悲老母碧血照重泉江上降旛出甌東

義旅懸讒紆成虜僂播越再危顛擁戴原無識存亡固
有天書曾抵興慶豕豈象祁連

周德新維命殷仁眾所傳易名垂典禮遺象閱烽煙埒
酒揚州土興哀古柏篇鞠躬諸葛後享祀定軍前慘澹
風雲散淒涼狐兔眠瓜州指屯戍父老涕常漣

東園

蘭卿觀
察同游

東園老園丁頗能言往事在昔

純廟來青宮駐此地

皇心暢流覽

天章煥雲霓自從罷

思伯子堂詩集卷十九

時巡燕游供大吏後堂垂簾櫳前楹列歌吹酒風泛池
荷眉月轉階桂花深不辨人鳥銜出珠翠邇來鹽菜困
商貧官改置蕭條文石徑踐踏到輿隸曲房自洞豁假
山誰覽憩故物撫修篁當時蔭行騎萬事有衰歇荏苒
送年歲昨見富人游今隨乞兒至始知西方尊露電視
塵世君看謝安宅巍然聳靈寺

園近天甯寺世傳謝太傅所捨宅也

武進夜別姚石甫

登

大令陳伯游

方海上舍

姚侯此爲政賓客復多賢相送毘陵水興懷陽羨田城
鴉語秋月夜火破江煙壯歲徒飄泊淒涼促去船

過惠山

二十八日風雨過山下舟人言山中木樨盛開能往游否

煙雨江天去櫂遲
惠山雲氣欲來時
如何第二泉邊酒
不醉勞人對木樨

清德堂小飲奉林少穆

則徐

中丞

節署瞻

宸翰

清德堂額
御書賜巡撫宋

聖祖

非徒禮遇隆
十年賢使澤一

代

聖人風

聖祖南巡嘗稱
犖在江蘇十餘年只是安靜到今便思他好處

皆見西
轍年譜

此日承平後
生民積潦中
災傷關

國計饑溺徹

天聰宣

德才原裕持清道不窮政能除害馬鳴自息哀鴻寬大
欽

皇祖飄零話寓公

宋中丞時邵長蘅嘗居此

碧荷憐直幹黃桂惜幽

叢豈數銜杯樂真愁聽雨同

連日陰雨中丞憂形于色

先憂愧文正

繩武望

離宮

游虎邱歸避雨五人墓

重過山塘路登臨久倦時數花秋水靜孤塔夕陽遲多
病聞歌怨新涼作客知歸途更風雨蕭瑟五人悲

滄浪亭

一士繫羣賢斯人豈不偉孤亭七百年非關石與水世
無范文正誰能薦子美遺文付歐陽嗟今亦已矣

殘荷抱秋影叢桂隱風色曲流返照涼櫺檻蕩煙碧名
王世不知富貴復何惜願喜宋尚書買田理荒宅

潘紱庭

曾紱

明經招飲秋碧軒同朱酉生

紱

孝廉

聯句

故鄉來舊雨

紱庭

涼話敝秋齋簾捲樹陰散

酉生

石幽

茗意佳酒人憶京洛

亭甫

詩夢落江淮更有分攜感

紱

庭斜陽黯下階

酉生

蕭寺尋花日酉生春明失意咸吾行如倦馬

亭甫

此別

思伯子堂詩集卷十九

十

又征帆性癖同昭諫

紱庭

詩豪陋秘監相逢一尊酒

西

生黯澹舊青衫

亨甫

雨中游天平山

紱庭備其從兄順之招游

天平對支硎嵯峨立萬石秋氣養孤清
雨聲在寒碧登高見吳甸渺然太湖夕
天長獨鳥盡野曠歸雲隔山河杳無人
下有太古迹風泉結幽籟淒清滿空隙
目齊遠近理興與邱壑適不知葉落多
哀蛩響如惜寺僧正閉門淪茗訝來客
荒厓霧露深何以迴行策

陳芝楣

鑒

方伯有硯曰香雲海次東坡先生雪浪

石齋爲詩屬和走筆得三首

方伯自爲銘曰東坡先生雪浪齋南湖居

土香雲海石交好訂方
山游光黃芝間發奇采

雷雨之動資盈屯偉人代出眾所尊高才卓犖繼玉局

辟若曉日開羣昏題詩遠過峽山寺宦游不悵羅浮村

西湖初至宛符合

方伯云東坡以三十五歲初至杭州與己典試之年相合中和堂

再觀海門

方伯頃任浙按察使孤山梅花賦香海夜寒憑弔風流

魂天教奇石助點筆亦似三竺將雲根清名合併東坡

老紫潤試認南湖痕鳳咮坐恐笑牛後何止龍尾堪等

論邇來吳越苦水溢田家莫覓老瓦盆公能愛民如愛

硯千秋共見文忠存

人間萬物殊亨屯棄之者賤愛者尊卽看此石闕洞壑

思伯子堂詩集卷十九

七

壓虹氣掩蠻煙昏何來巧匠劖水骨乃使奇采騰江村
有如通材久不遇一朝拂拭登龍門公官中外實好士
孤寒八百縈夢魂讀書有子似叔黨應笑韓氏譎金根
嘉名肇錫示世澤詩清亦無沙土痕方伯并以再用東
韻示長男酒卽以
雲海字之詩見示聶翁宏獎老不倦晁秦詩事應重論
茲硯摩挲比雪浪供養合貯高麗盆風花漫悵落高下
知公寓目道已存

吾家大澤古吳屯十名山以漁梁尊傾崖飛瀑注滄海
驚灘百折連雲昏人言黯澹產奇石硯材棄置盈沙村
黯澹灘石可
爲硯現在建溪不如端州多好事下窮巖穴探水門邇來

石裂若縑繪粉墨脫落餘畫魂公今得此幸寶護中有
雲液兼泉根春紅入夢勝眉子試磨天女應無痕卻思
故鄉磊砢物風浪激蝕誰同論扁舟此去向東粵更看
水月翻金盆安能從公試染翰石交自訂千古存

余去年十月自吳門之錢塘雨雪連日頗覺惆悵
今來天氣晴霽而惆悵有甚焉初八夜過塘西口
號四十字

秋至葉紛飛吾行何所依山川久相識道路竟如歸看
月憐殘夢驚寒攬故衣不成擊仲洽窮死掩荆扉

吳山望西湖

涼風起湖上落日萬鴉歸卻倚吳山閣遙看木葉飛漁
家映秋水僧院入煙霏南宋風流地何因淚滿衣

奉別陳石士用光侍郎學使丈

愛士人言得祖風熒齋先生論文自不愧宗工侍郎為姚惜

東坡老惜晁秦少南阮游思咸籍同謂令姪伯芝庶常

鶴吏鄙吝全生去公久杖車相見嘆誰從時新喪清秋

且看鴛湖月時將以月我亦飛帆鏡水中余將之

杭州

杭州三日桂花風詩思全消酒病中獨捲簾櫳望秋月

天涯知有幾人同

渡錢塘江至西陵

八月十二日

潮落暮江秋江平似不流
天空明去鳥風定引歸舟
津笑勞勞問家如處處浮
空懷廉吏蹟回首愴羈游

是夜舟發蕭山次早至紹興奉周雪橋

仲堪

太守

杜尺莊

照

孝廉

紅葉下蕭蕭秋風晚似潮
西陵吹片月一夜送蘭橈
賢守能高詠詩人近易招
須尋戴公宅直泛剡溪遙

登戴山書院

同尺莊

前輩風流地蒼然落日閒
下臨鑑湖水遙對沃洲山
絕學平生繼孤忠一死艱
荒祠拜遺像蕭颯共摧顏

思伯子堂詩集

卷十九

十三

十四日游蘭亭

少歲亦如昨清游能幾時山川有今昔俯仰自懽悲苦
石迴流靜松門落日遲臨風竟何悼誓墓愧無辭

出蘭亭山行數里泛舟玩月而歸

孤月照秋水百蟲鳴夜風登舟望來逕煙翠已空濛發
興重懷古飄然萬象中茲遊亦陳迹逝者信無窮

登種山望海亭

山在郡署後
十五日登此

高亭下瞰夕陽開秋色蒼茫萬感來百越山川江海台
六陵風雨鬼神哀孤忠有恨悲埋骨世傳文種葬此山倦旅無
聊罷舉杯今夜月明應悵望空傳州宅似蓬萊

十六日尺莊孝廉招游鑑湖由畫橋至寒山望放
翁故居遂謁禹陵登南鎮泛月至遶門山夜歸有
作

李白昔乘興看山入剡中至今禹穴外巖壑盡秋風萬
葉下湖水一天明月空因登遶門石醉望六陵東

十七日游吼山

太古石巉巖何人試斲弄積水中吞舟窺天上成甃四
圍爛霞采千尺豁潭洞初驚樵已阻忽訝門可玃紆迴
潛入竇縹緲高浮棟側睇勢倒崩深涵影飛動登樓凜
俯瞰歛墮不得控目貪隔嶺奇徑轉迴谿送嶽岑隱奧

安峭削出磨礪石陰晴互天天氣晝如夢結藤瘦不死
懸泉墜已凍風交竹誰秋雲過鳥自弄寒塘閣疏敞曠
野色驟貢出門始驚絕回首在崖空崎嶇越澗谷涉歷
憊徒從怪駭兩峯分離立眾人共橫石蓋巔頂巧匠施
巾幘仄仄孕僧居小憩使神眊蒼然對六陵逝矣悲南
宋嘗聞昔勾踐走狗馳雕鞍游獵騁廣場羣吠聚一闕
霸圖消劫火流潦長野葑礪礪鑿經畹崕根脈綜往
往駭屢屢處處開窪峒我生癖游覽弔古託嘲諷每如
遇勁敵急逐肯姑縱頗懷叔子感豈似退之慟百年磊
落氣一笑煙霞供如何逼向夕復此解維戩歸途索險

句山鬼嘯石縫

十八日西陵觀潮

朝游鏡湖東看山興未已扁舟弄月過柯亭日高更飲
西陵水西陵佛閣何壯哉登臨下瞰錢塘開天邊一綫
起白練千山遙指潮頭來潮頭來爭嘆息未聞潮聲駭
潮色但見嵯峨橫互若雪山大地眩轉空明聞呿張噴
吸倒怒浪海若作使魚龍頑誰將明河灌赤岸欲駕白
日馳魚淵東流之水能西還萬事一逝嗟茫然此時何
曾見江水潮勢吞江猶未已倏忽還爲左右馳動搖城
郭排山駛蕭蕭氣卷青天高晴晝併舞長銀濤古來眾

水盡就下獨有此水朝夕上湧疾雷霆電秋風豪或言
文種與伍員血作驚湍有餘忿又言盈虛消長隨太陰
八月月望驕騰奮河伯望洋已嘆嗟東行到海誰能問
卻憐鳥外孤帆明乘風直欲淩滄瀛眼前弄潮兒故與
潮頭迎已沈一葉慘不救忽出水底隨潮行嗟汝嬉戲
性命輕不見餘波擊岸猶奔崩翻飛千尺自盪激雲煙
四散噓長鯨此時浩浩聞潮聲此聲豪宕感激中有興
亡情君不聞吳越王射潮選强弩錦衣魂不歸園陵冷
塵土又不聞伯顏軍皋亭下三日信不靈吳山真立馬
潮生潮落閱人代一尊且話沙痕在

是日蕭山鄭稼田
大令卞亦臺少尹

各爲置酒不須更弔六陵秋夕陽滿目江如黛

雪橋太守次小湖學使詩韻贈別仍次韻奉酬

一麾出守得名州何止醇醪陋督郵

紹興酒名天下

越國山川

思種蠡禹陵歲月閱商周訪碑遠憶神明德治水僉同
父老謀聞道使君方臥治不妨司馬倦來游

此去全除幻妄思要觀嶺海發英辭退才易感文通夢
游學難分曲逆賢南漢地仍花作壁北枝寒送酒盈卮
登臨或許舒愁眼肯悵青驄老絡絲

次韻尺莊三丈贈別

送我驚斜照催人又短更分明灞上意

是日尺莊來郡署送余其夜余

思伯子堂詩集

卷十九

六

舟發水則亭復至草茅橋尺莊宅詒別漏四下始別留滯海南行殘月孤舟夢空

江獨雁情更同話京洛盡遣別愁生連日同話廉峯太史

里黨尊者德文章自舊家

令子稼軒能詩今捷南宮官部曹昨出令孫四人相見皆

美才也田餘彭澤秫人在鏡湖花病善添衣好心慙載酒

奢後游吾不負歲歲度仙霞

仙霞關闕入浙道也

二十日乘潮渡錢塘江次十二日詩韻

風急海門秋驚濤正倒流千山橫落日萬念冷孤舟天
挾魚龍變人爭鶩鷺浮平生豪氣盡深悔九州游

由雷峯埕過慈雲嶺至江口作

潮氣成雷雨空濛合翠微埕雲寒更動江鳥溼還飛客

已此行倦舟從何處歸酒對秋水難問舊漁磯

雨

虎林連雨日瀟瀟懶更移舟過六橋何事塞鴻常不倦
又銜秋色渡江湖

次韻蘭卿觀察贈別

七月二十四日風雨發揚州觀察就送舟中既
別有詩八月十二日寄至杭州索和二十三日

次韻卻寄

千里猶馳送遠詩東西溝水悵分歧檣帆吳越常來去
風雨羅浮擬合離應喜蛟龍波浪靜

來書云淮湖盛漲
方駐揚糧廳督丁

不愁鴻雁稻梁遲尺書欲寄重惆悵又到江天解纜時

二十四日發錢塘江

木落空江秋蕭然氣始寒輕舟泝枉渚遠色明前巒光
分嶺向背翠合天迴盤回眺一鳥外但見長波瀾西陵
映返照白壁高朱閣風帆杳已逝客懷淒無端心知寄
涉歷恆沙不可搏復追雲水宿夕夢喧驚湍濤孤亦永
久飄泊寡所歡載詠蒹葭篇道阻誰能歎

桐廬

歲歲桐江道心慙萬物閒風光晴轉葉水氣晝搖山放
牧鳴鳥特追飛過白鵬一蓬羨漁父沙岸自知還

泊雞鳴灘

九月一夜

我行沂天未日夕愴西風人老塵埃下秋深道路中夜
光寒在水星氣白垂空孤夢誰同覺荒灘有百蟲

馬磯

去年十一月
初八夜泊此

去歲雪初殘今來秋更暮山川送流年草木凜衰露百
蟲沙上作一火灘外渡竟夕悵悲風因何屢征路

三里灘

常山
城外

秋水僅浮舟畫船過高屋粉黛映江山雨風雜絲竹朱
闌小垂手二八顏如玉往往三五夜華月照眉綠日成
通一顧買笑千金逐雞鳴歌未闌曉日移銀燭東行到

思仙子堂詩集

卷十九

六

錢塘或泊蘭谿曲可憐少年子銷魂在水宿借問此誰
氏九姓自嫺族匹夫爲厲階百世猶耽毒世傳陳友諒
既敗其將九
人逃之睦杭間其
裔今爲九姓船也驕蚩小兒女未解淫賤辱凝妝揀珠
翠衣被厭羅縠朝懽曜貴游夕狎任厮僕零落秋扇捐
春心付骨肉造物如何意苦待斯人酷老死異編氓九姓
不齒偷生寄洄洑請看茲灘頭終古波斷續流脂變芳
草斷腸不盈掬羈旅觸臨眺慨慷閔衰俗沙邊雙鷺鴦
哀鳴羨黃鵠

望君陽山

秋霽氣高清百里見纖末茲山鬱神峻迴盤互天闔青

峭立萬峯峯峯勢如割上干迅鳥墜側出飛鳥過秀色
滿虛空風外夕嵐活嶽寄雁岩參怪聳華嶽奪李文公南來錄
云怪峯直聳似華山余以爲似雁岩目窮有無際悵望意覲豁蒼然暮靄
深蘿徑何由撥

放舟至貴谿東陸祁孫

繼輅

大令

山峭不知名青蒼氣削成出天盤石勢繞地落灘聲興
覺連朝好舟從一葉輕故人稱傲吏相見眼應明

追輓顧通副

范

吳縣顧南雅先生清名直節中外共知余自丙戌入都辱先生引爲末契去年五月十三先生

卒官欲爲詩哭之以病而止顧念老成凋謝如
先生者世無幾人今其卒已踰年有餘痛焉乃
補作此詩癸巳九月八日貴溪舟中

顧公癯僧姿神清目光炯通籍三十年蕭然若箕顙文
章照寰區大節好忠鯁嘗持滇南節憐才抑微倖白日
麗幽芳青春照枯冷至今士謳歌萬里常引領學成宦
中外教誨必聽請

朝廷有左降論揀得微青謫居久蓬萊

公由學使言事降編修故有謫

居猶得住蓬萊私印

每懷戀禁省西方近用師功過在勸警朝起

夕拜疏

公再補學士命下之次日西事疏與謝表同上

孤直出天秉淒涼諫

草焚死去足悲哽三絕亦偶然百世尙彪炳憶昨側夫
坐高韻使人靜每於眾賓前頌言一何永賤貧困奔走
太息意耿耿遺墨見平生筋骨秋鷹併公嘗爲余作烏
絲細楷自書其
跋邵文莊書語
一通人以爲佳斯人邦國秀奄忽謝流景楹書付誰讀
野史未可屏誰言知己私庶幾告共靖

安寅

城影圍紅日人煙映碧流山平孤嶂曉風急半帆秋鮓
菜荒成市魚鹽小聚舟乍聞米價賤父老汝何求

九日

餘干舟中

百年幾見重陽日廿載三悲異地舟東越鄉心橫海遠

西江晴靄極天浮。烏鴉紅柏分風色。白雁黃沙作塞秋。
判與逝波催歲月。劇憐殘照滿汀洲。余自甲戌至今二十九十四度而壬午丁亥皆在舟中

是夜乘月至木樨灣泊舟已而微雨北風竟夕枕
上作詩

江明月皎如流汞。直放扁舟指章貢。天邊過雁影相銜。
沙上繁蛩響初縱。秋聲四起落波底。蓬背蕭蕭不成夢。
不知已泊木樨灣。夜水無人風自弄。十年幾見重陽晴。
一雨驟使孤衾凍。蒼茫天意異朝夕。世事變遷那足勸。
故園對酒負黃花。何處杯觴飲能痛。更闌倚枕祝江神。

但乞明朝去帆送

次日守風復寫一首

江村鳥雀噪白日天多風赤葉照水上根株淘沙中居
人晝無煙破屋傾西東昏昏積潦氣百里慘不同晴色
盪始動歎吸噓魚龍蕭瑟際蒼茫若有雲行空茲維彭
蠡耳勢挾眾派雄目盡不見浪隱約浮青峰不知蒼昊
意災此歲屢凶高田且泛溢土涇禾生蟲夜來鄰船號
被攫追無從民困盜乃多坐嘆徒憂忡况聞吳楚浸父
老怨轉蓬覓食何所適飄飄隨南鴻仰視南鴻飛敢恨
吾道窮人生亦有命餓死知誰逢

紅樹

天際斜陽在水中蕭蕭紅樹擁烏篷木樨灣下秋光冷
飛到寒鴉語落風

十一日瑞洪湖守風至夕次日風不止口號四首
驚風驅駭浪白日氣蒼涼一鳥沈彭蠡千帆斷豫章客
孤頻臥病民困半流亡身世滔滔意何因問大荒
目盡波無岸茫茫勢到千秋聲倒滄海寒氣聚空煙鳧
雁家何在魚龍戲可憐直愁昏墊患九載見堯年
慘澹羣陰象悲涼萬古心溼雲仍作雨衰葉盡辭林歲
月江湖疾乾坤霜露深淹留竟何恨滿眼室廬沈

夜半聲尤厲紛騰甲騎馳神靈來漭蕩人鬼雜喧悲夢
斷投書渚朝思洗馬池料無子安詠故遣去帆遲

十三日復守風至夕口號二首

遙憐亂雲際不見片帆行落日長湖白秋風嫋嫋生客
心催向晚孤雁去天明日斷驚湍闊空看月漸盈
去國歸無業出門行有歧北風三日惡獨火一蓬欹沙
草入煙動雲濤客夢疑十年慣飄泊莫怨此羈遲

十四日渡湖

檣帆千萬葉蕭瑟盪波濤白骨橫沙亂青天擁水高側
身慚大鳥奠極想靈鼉三載災傷地淒然獨去勞

瑞洪湖酬神曲

自十一日守風至十三日湖水大漲怒波崩騰
舟既輕篙工復少余心淒慄乃作絕句焚諸湖
中曰西北涼飈苦未休客帆兩日悵淹留今朝
願乞湖神福分與東風送去舟是夜果得東北
風次早渡湖上下舟皆便既渡西北風復作因
爲此辭以答神貺

浩浩洪湖兮水澤之雄神之來去兮颯然乘風驅鼉鼉
兮駕虬龍金幢翠葆兮雲霞宮邈肅肅兮羣靈從若可
見兮宛在空息怒浪兮民罔恫澤湖孺兮年屢豐舟上

下兮行不壅水澄澹兮天昭融帆宛轉兮人雍容吳楚
百粵兮道載通導章貢兮逾石鐘匡廬之山兮遠望而
龍嵒神之憩兮湖上之青峯潔芳馨兮椒蘭紅秋露灑
兮泣芙蓉被服好兮神來降木蕭瑟兮鴉駟楓神旣降
兮靈冲澍河伯執信兮天吳效忠羌森澗兮濤波同經
千里兮戴神功嗟神之德兮繫與水而無窮

至南昌作

江天無恙逝波催惆悵扁舟復溯洄三月夕陽花事盡
今春于螺墩一年秋思雁聲來番君故國空雲物徐孺
看牡丹頗佳荒祠但草萊欲捲珠簾倚高閣春風蛺蝶儻飛迴

家子畏寅太守招集南昌郡署

湓浦離筵酒未醒

今春三月餞余于庾樓

東風吹浪去冥冥使君

復置南州榻倦客如游歷下亭霜落晚華當檻白天空

雲氣出江青哀鳴幸息潯陽雁肯使飢鴻此再聽太守在九

江極卹災黎甚至

長城立馬圖子畏太守屬題

秦人築城隋人繼可憐秦隋皆二世長城萬古界中外
今代長城會不閉太行翠接長白山遼海積氣霾天寒
驚沙晝起捲赤日大鷹老雁摩風盤此日匹馬凌巔吼
下窺朔方一萬里上出千崖百谷嶄絕之雲端漢唐以

來戰士骨盡作磧草枯霜乾始知

皇王大一統天意要使生民安星郎奉使背壯觀邇來
作守父老歡馬前飢溺半欲死待君手障長江水

十六夜舟發南昌

江西水陸衢吾行亦幾徧昔聞章貢險况茲遠遊倦北
風吹去帆激浪疾於箭空中有諸色皓月照屢變天涼
去雁聞夜久落星見悽然感平生何事隨蓬轉憶從城
下泊悵望江如練心憐十八灘湍急驚濤濺夕發竟何
勞了知一身賤溪山可笑人吟嘯拓生面

豐城

豐城不見城數家俯斷岸霜林照水紅萬葉明霞亂秋
日何杲杲水波亦漫漫南風作新晴野鳥學呼喚古人
抱遠識耳目非近玩寶劒沈獄中望氣到霄漢國土或
當前末世逢侮慢所以郭代公賦詩起長嘆延津昔所
經雙龍嗟已散吾將狎沙鷗去來淩浩瀚

樟樹鎮

文成英雄姿講學亦非妄當其勦逆藩風雷迅掃蕩功
高身不居太息聚羣謗後來曲學士詆訶宜流放吁嗟
平湖賢門戶苦相妨知言古所難論世誰無誑向見三
魚堂日
記鈔本謂惟附宸濠無父無君可信陽明不爲其餘世
所傳諸語或不誣云云此亦未免賢者之過蓋清獻宗

朱子而闢陸王故一我來誓師處臨變見公壯五等何
言遂有不知之失也足論茲實偉人望憶昨楚粵猖跳梁恣焚掠勢異入塞
雄師老六月餉安得起九原倚劒默惆悵逝波盡前朝
大樹思良將秋風草木動慨想屯牙帳籌邊樓已荒紀
功碑可訪千秋廬山雲此水共悽愴

臨江河口

亭亭曠野雲落日氣蒼赤霜楓晚如燒光遠映山碧數
家對洲渚二水蕩溯渚舟人分岸投待曉各有適嗟余
獨何往三宿南風逆淹泊豈得辭惆悵爲形役游魚或
騰天飛鳥自投澤上下理亦齊萬物勞朝夕

峽江

蒼崖夾清江窄岸微煙起列環如半環嵌山復銜水荒
荒受朝日舟中見城裏渚鳥入縣門風帆轉沙嘴不知
何歲年置邑乃在此民窮草木稀地寒氣色死蕭條沂
峽角去榜誰復艤自昔虔州雄獷悍盜難弭下流茲扼
隘險要猶可恃司牧幸撫循時平室毋毀

廬陵

萬山氣蒼蒼日高吉水縣舳艫何逶遲回首落霞綢白
沙暗暝色青嶂合遙甸野宿多秋聲月曉淒蛩徧守風
更廬陵昏旦候屢變篙師坐歌笑安知行客倦慨然思

文忠少孤亦貧賤平生勵忠謹賓客盡英彥崛起馬韓
後百代共聞見斯人豈不偉讒口乃利便晚出蚍蜉子
撼樹亦蔓莖固知名如的集矢眾所先紛紜並世士謗
嫉必狂狷繫余復奚恤苟活免罪譴飄泊天地間萍梗
任流轉栖栖愴今古鬱鬱常迍邐醉翁魂不歸山川自
清倩

張家渡

文信國故里

煌煌歐陽文磊磊信國節山川鬱神秀並代兩人傑我
來訪故里落日莽嵒嶠煙巒遠際天水波浩流雪悲風
起曠野慷慨思遺烈在昔南宋衰俄頃半壁裂四鎮謀

不庸孤忠力徒竭艱難奮義旅崎嶇出閩粵天亡事已
非人存國未絕哀歌凜正氣獄中肝肺熱荒臺痛朱鳥
胡沙照碧血陵谷有湮頽斯人豈磨滅轉憶年少時曲
謹非所屑至今論已定何愧平津列嗟茲當世賢相士
母乃劣承平獎庸鄙倉卒誰奮發古來英雄姿豪宕自
天骨未遇或脫略致身必勇決司勳繼大用廼以傷春
卒始思牛奇章泣下揚州月

泰和

歸雲在天際邈然如可思青山映遙野嵐翠藹合離目
貪去鳥疾興緩迴波遲南荒木不落秋盡猶華滋慨想

巖居士采藥蔭桂枝霜露浩已降代謝亦有時是日我立冬
何不遑息良恐來者悲因風報故人耕稼庶自期小湖學使
家浦雲明府斗垣弟皆邑人

萬安

南風作秋晴客行苦淹滯回颺起西北驟涼覺衣敝淒淒
淒天欲雨慘慘雲蓋地野泊傍荒灘風狂激水厲驚湍
響舵尾蕩搖凜不寐向曉至萬安荒城聚寒氣舟人市
雞豚禱祀各酣醉人情固自然鬼神即憑麗百勞乃一
息遺俗見蠟笄揚帆入渚霧江窄亂山閉奔瀧駭屢轉
宿火耿再次霜林夕蕭蕭何處犬聲至

楊梅磯

漫漫楊梅磯亂石布驚灘阻洲溢旁流一灣洞如管其
前兩舟橫其後舟不斷蓬背互戛摩舵尾蹈隙窅簇擁
連檣高叫呼一時滿長笛各怒撐作氣不暇懶趨逸力
更勞欲速去轉緩晨朝至日中尺寸行以扶小艇沂磯
頭迅疾出涯厂以此悟萬幾不爭進退坦挂帆煙水闊
壓岸夕陽短回首下流人螳緣正未散

贛州別汪孟棠

云任

太守

亂山擁虔州蜿蜒二百里磽确土赤童湍湫川清泚盤
盤十八灘萬石氣騰水朝驚逆賴高夕望在地底可憐

天柱危懸竿付生死百夫挽一舟惶恐何時已卻登鬱
孤臺落日千檣艤東流貢水長西湧章江駛下臨控洪
都上窮蔽炎海地險扼南荒俗獷聚羣匪劫掠敢誰何
仇殺益自喜自昔推劇郡禍變卒難弭今茲太守才盜
賊幸衰止吾聞變澆習端自富教始天運有平頗民心
猶可恃世衰尙武勁亦復賴驅使竊悲服政年乃欲事
黃綺角鷹飢不飛狡兔怒相視老驥歷太行負棘困蹄
尾慷慨宇宙閒人才復餘幾高堂對尊酒和歌朔風起
醉思跋涉勞莫問安危理揚風更泝流崩波激如矢夜
船獨坐歎過嶺復何以

南康

清川何紆迴暝色夕陽會新月出竹林孤舟入風籟人
家隔蒼翠犬聲在煙外回首望荒城迢遙山如帶

西母

自南康泝南安山水益清邃其佳處往往似吾鄉將至郡城十餘里有山如富春釣臺因

巖舟登岸問其村曰西母問其山曰五猴有寺在林石深阻閒因欣然往游至嶺牛風氣淒厲遂返

悵然作詩

章江一何清重山帶迴複扁舟漾晴翠臨水半修竹幽
禽靜不驚文石燦可掬晚泊隨所投村謳聽樵牧客行
嘗苦遲煩惜茲游速侵晨發孤櫂數轉入崖腹天氣闕
高寒人煙隱空曲霜分眾葉丹泉響懸巖綠峭壁對厓

蹊雙臺宛在目
攀蘿卽前嶺
涉澗阻中谷
陰風貫峽厲
衣帶自反復
仰睇忽已深
洩雲翳蒼木
但聞鐘聲希
蕭寥萬籟續
似乘剡溪興
誰繼富春躡
心慙猿鳥閒
香想禪廚熟
故園未得歸
何處寄茅屋

思伯子堂詩集卷二十

建甯張際亮亭甫

大庾嶺

癸巳

過嶺昔所悲宦游今乃喜海南富寶玉遂令人心死我
來正十月汗流負販子填塗擁左擔越磴踵寸趾嵯峨
兩岐對開闢何年始宋唐放逐臣涕淚復餘幾信知宇
宙間禍福無定止輪躑徧遐荒亦驗承平軌竊聞島夷
彌蓄意藉通市熟窮彼我情良恐倭如鬼兵後有凶年
夏潦室家毀去歲連州用兵今年廣州大水當年張文獻遠察興衰理
開元全盛時亂已憂安史淒涼孤鴻篇珠樹卽荆杞熙

熙熙人情哀歌吾何鄙石林晝圍天白日出其裏關頽
見荒祠錯雜茅店倚濁醪一尊散且問滇江水

南雄

粵海阻南方雄關此其最虔州實門戶庾嶺但襟帶時
平斥埃息往來聚冠蓋地荒饒竹材民稠習牙儉蒼巖
圍亂峯十里卽天外我來趁茶船積沙滿灘瀨除舵各
倒行往往被膠湑小人貪負重推挽喜無害客久適俗
情靜觀意亦泰夕陽黯山川慨想用武會

對月

遙夜南荒月扁舟獨客心雲沙疑蜃氣風水合蟲音萬

里路何永一年寒漸深親衰兒女弱况憶搗衣砧

始興江口

千嶂人煙合雙江石瀨迴松陰斜日滿蟲響徧山來孰

憶衢州守羣空嶺嶠才

始興林穆庵先生明倫乾隆戊辰進士由編修出守衢州罷官

卒年三十五先生與吾邑朱梅崖先生同榜進士以同治古文辭相得其後益究宋儒之學新城陳獻齋先生

其遺集其言有物有序真君子人也近去榜復何哀

余在京師詢其鄉士大夫鮮有知之者矣百年真過客

自雞籠放舟至南石作

十月十一日

萬山蟲聲中孤帆石氣內巉峭勢滿天百里紛破碎懸巖不可窮高橫壑谷背千年半死苔極遠成青黛燦爛

疊赤霞嵯峨起紫峯欽岑竚篠閒凸凹相閒闕壁盡覺
煙通崖傾與水對飄蕭藤陰垂谿衍瀑布礙奔流欲倒
飛舟行屢卻退是時風雨作下有寒潭渴正愁蛟龍翻
坐失坤輿載崩波迅一投重厂儼上戴修蛇掉舵尾怒
馬出仗隊迸激浪花霏明珠散百琲回首見蜂窩古來
篙眼在澄灣碧動搖細藻光繪纈幽籟忽淒清傾聽響
已代居人穴積翠土屋生山態種樹入雲根截魚依涯
隈村婦繫舴艋跣足自濯漑俱忘作苦勞豈解榮名愛
灘長隨堠轉月小遮松晦諸峯悄如人離立尙幾輩驚
魂夜未安仰望莫敢效

次早望韶石次前韻一首

朝暉映江山光涵碧綠內萬石勢益奇割截神斤碎磊
落踞雲頭嵌空墮鳥背高張裂痕深通表裏黛蒼然
氣翳天嶺海藩雄塞紆迴權曲行嶄峭崖橫閣奮怒擘
巨靈中斷兩壁對蟠根塞水竇跳波鱗介礙悲風貫颯
杳浩想羣飛退登艫四望阻崖穴見澹渴仰出駭上窮
俯入墜下載縱橫互錯盤大小相抱戴遠近客矯首左
右兵趨隊毬門絕磴懸空明如玉斐真疑杳靄聞化人
靈構在古色滿煙蘿浮動不可續坐笑此丈頑不知何
年代泉根歲月迹石髮陰陽態蕭寥百蛩聲日夜淒荒

限誰言舜南巡遺澤武水漑當時奏九成鳳閣帝所愛
世遠託黃農百家同湮晦重華豈再來但憶巢由輩投
竿老茲鄉綠靜洗唾欬

登九成臺

蒼梧渺無處雲水疑瀟湘登臺正落日悵望思巡方虞
帝竟不歸魂去知何鄉至音在宇宙萬籟皆宮商竊悲
玉局吏行嘆舜所藏捫碑讀遺記垂老胡投荒千年更
治亂際會虛明良固知中天運非由人事臧聞聲契美
善孔性益彷徨鳳鳥失來儀何止吾衰傷晚近益厖渚
難退塗兩妨高才不自揀敢計民勞康吁嗟狄韶州乃

復知文章至今感過客豈獨器久亡
儋湖盛瘴癘韓蘇同此羈飄蓬迅江
海余行毋慨慷丹崖古無恙碧流去
始長重華未可招夢覺釣天旁

一 韶州放舟至烏石復次內字韻一首

茫茫山出雲江聲雲勢內波鋪翠甍
平櫓搖碧玉碎飄風卷雨氣散絲落
蓬背隔斷綠璃窗空濛作微黛春愁
感南浦漁具思西塞浮家計未成
怨別情多閨何況大庾來日與亂
石對水湍灘瀨驚峽窄檣颺礙舟如
觸藩羊中流艱進退今朝換畫鷁巖
壑映幽渴浩然幸脫險俯仰見覆載
青峭遠峰迎蒼巉欹岸戴渚沙擊鷺
拳谷

樹喧鴉隊高崖乳泉咽點滴懸珠琲側睇煙竇開中藏
秋影在磨旋百轉通繡錯五色續因疑磊砢奇鍊自皇
古代天公巧秘惜陰霑濇全態萬里翳炎荒幾人搜窮
隈故應長石華仙露與滋溉君看絕罅閒寒綠萋自愛
征途興暫遣孤城望已晦遷次閱朝昏寥寂念朋輩夜
涼村月生客轍山精效

觀音巖

絕壁俯江流嵌空結雲洞重欄上虛跨曲磴中懸控深
盤太古根側轉巉巖縫白日避幽陰青天入寒夢香煙
不外飛裊燭上崖空當頭勢欲墮倒垂鐘乳凍下臨晝

蕭森高坐影飛動黝黑迴潭包蒼翠諸峯貢眞知身世
浮醯雞在春甕卻愁蛟龍翻粉碎與石共開闢自何人
鑿山爲此弄何如妙蓮花一瓣現瑤棟過客競饒名青
蘚千年痛沙禽豈有知鐘罷繞船送

野燒

湏江江水如碧玉山翠浮江逐江曲參天松檜皆十圍
日聽黃鸝語叢竹南荒歲暮木不凋居人不惜取材足
可憐一炬辟蛇虎巖壑須經幾春綠卻憶朝行斷峽間
斧斤丁丁人鑿山山石於人亦何害怪醜莫保千年頑
燒之揚灰取致飾白屋奪盡蒼崖斑五行無如火患烈

萬物有用世所殘江西風土尤可哀水淺湫湫灘崔崔
撒棹過世激水碓一舟乍可容挽推人間機虞何有極
智力能使陵谷摧丈人漢陰自抱甕歧路有歧楊子慟
變詐從來出末流殺生攻奪常交關天心人愛久已窮
野火何須泣梁棟夕陽同照亂峯明到處羈愁片帆送

滇陽峽

亂山蟠絕壁寒色動高深峽束江流碧天迴石黛陰看
泉分澗道聞葉過風林百轉孤帆靜低飛逐去禽

連州江口

去歲橫戈地傳聞有異同誰從武溪水遠憶伏波功江

口天連瘴磯頭木亞風奔流向中宿悵望撒邊烽

十五日日暮過清遠峽遂登淙碧軒訪古飛來寺
乘月放舟出峽有作

湔湔始合流東奔赴滄海崩波此一東巉巖鬱千載高
峯上蔽虧大石中礧礧二禺南北分灝氣割真宰北禺
藏壑谷飛來占爽塏南禺萬木深眾綠垂江匯倒影各
空明日中盪奇彩我來已夕陽山寒水濯濯泊舟倚寺
門猿叫洞雲改

帝子去不歸阮俞何蕭蕭空山風水中太古石嵯嶢攀
松入蘿磴聽瀑穿雲竅氣寒不成煙觸澗響已遙散爲

萬籟音淒清徧叢蟠根絡壁罅密蔭垂山椒飛流瀉
幽光明滅不可招靄靄嵐翠深濛濛水意飄啼鳥出竹
林始知前峯朝澄潈漱窪穴渴飲肺熱消慨想唐虞前
安知非靈潮初武亦寂寞誰與傾天瓢

獨坐風泉中此響從何來誰知飛來寺尙隔山崔巍杖
策越前嶺上有秦時苔五百避地人化爲猿鶴哀長林
窮以密疊磴阻且迴百步無人聲但聞傾澗雷足躡瀑
布源下瞰森煙埃仰首見長松掩映琳宮開南禺攢眾
頂俯伏當經臺江深萬綠淨慘澹雲濤堆寒峽氣翳天
光浮如杯鐘磬動藤蘿坐恐崩崖摧舒州賸古剎梁

殿飄殘灰感此不能去絕頂孤徘徊

雲臺罷登陟仙源重徙倚可憐松門風常吹雲碓水東
坡昔南歸頭白竄萬里我今方壯歲遠遊聊自喜噉茗
帶玉堂幽芳惜桂蘂江山流古春草木氣不死登舟望
飛亭高下翠屏裏魚聽梵唄出鷗衝夕波起七十二峯
青俄頃天如洗大月挂峽角清光送船尾坐憶淙碧寒
聽泉語山鬼今年八度圓他鄉一彈指過去總可知未
來那足恃惟應帆蓬瀛青鞋從此始

寺僧贈

國朝諸公游峽山詩三卷歸舟展閱三

易燭始畢嘆漁洋固不可及而卷中陳秋舫

沅修

撰二詩亦絕佳陳固不以詩名卒未及中壽殊可
太息因次其韻聊結他生翰墨緣也

乘流漾輕帆月色滿江腹回望飛來山峽盡青天東地
以二禺名天縱東坡目後來漁洋句清如泉始蓄空山
自太古瀑流響寒玉客散四時雲僧定千年樹吾行亦
飄風那足論遲速蒼雪崖名夕含輝煙蘿爲誰綠

玉堂有羣仙誰似陳搏好鸞鶴跨芙蓉餘音雲霞繞江
光切虛空無月中自皎原句想見夜燈幽眼明萬象小詩

清世莫知蘊真豈在表可憐一第傳已覺平生了摩崖
汚山色多少迹如掃竇翁孰後先掩卷爲愴悵

半山亭

漁洋峽山寺詩石壁留孤雲飛亭俯江色沈沈
晴川綠活活流泉疾固左司門庭中語鳥啼修
修竹花覆濛濛水則右丞學小謝佳處然皆不
如宴坐半山亭下見凝碧灣之天然不可湊泊
也旣愛其語因足成六韻

宴坐半山亭下見凝碧灣落日多淒風蕭寥巖壑閒樹
深墜葉滿人靜飛禽閒夜來山雨過四壁聞流泉不知
西峯外秋色自何年月出我亦歸回望孤雲還

三水

三十六江樓空明映碧流夕陽銜去鳥一半落孤舟

泊西南驛先寄雲麓觀察

十六夜

官閣仍圓月今宵誰共看可知故人意獨對暮流寒微
靄檣痕小涼風絃語單盈盈一水上愁絕露華溥

再寄觀察二首仍次小湖學使贈別韻

雍容車騎去中州爲報當時致客郵敢謂拙愚懷稷契
不須貴賤問秦周奔馳有恨催年長災祲無端與目謀
江海哀鴻同未集欲從何處賦佳游

將見猶多未見思見時惆悵竟何辭生前誰薦方干第
關內爭籌卜式資水郭淒風橫遠笛夜船涼月覆空危

新詩寄與應相念莫訝流縑染素絲

觀察次前韻枉酬復次韻奉柬二首

一天風雪別幽州曾折梅花寄隴郵海上更隨明月至
嶺南惟見亂山周名原畫餅貧增累身似飄蓬遠廢謀
慙愧道州高誼在羅浮還惜孟家游

聽雨連朝話積思新詩骨立謝華辭儲胥已裕三軍餉
頃以連州軍需之勞上命從優叙績水潦非憂九賦賢好繼鄭細重領
節不妨張愈獨銜卮天涯久罷瑤琴奏東閣花時理舊

絲

遊海幢寺

不見漁洋久蕭然此寺過將軍誰好事楚客自悲歌
風色高珠泮禪心定貝多未應苦惆悵返棹問煙波

登粵秀山同胡伯仁 昭惠丈

蒼然寒色滿珠江城郭千家展畫窗地盡百蠻通八桂
天盤五嶺出三瀧徒聞漢使臣秦令重見唐年霸越邦
惆悵登臨形勝在衛公翻長六王降

遠控滇池近豫章楚閩東北鬱蒼蒼難成宋季偏安局
空倚盧循竊據場骨肉操戈忘幕燕君臣計口似藩羊
桂王入緬甸緬人供食具其冊云計開
皇帝一口以下皆以口計亦可悲憫矣流花橋水鈴山

寺日斷悲風臘夕陽

萬里西洋絕海濱移家濠鏡近爲鄰
單雙更遣來鷹國中
外應同別蠶人都老尙雄銅鼓舊
番商爭眩寶珠新高城曠望憐前代
曾見倭夷出沒頻

白雲雲氣照扶胥黃木灣頭落木初
瘴癘幾人同作客
山川是處渺愁余呼鸞故道歌姬盡
拾翠空洲候吏虛
倚徧層樓闌檻暮蒼茫今古欲何如

奉盧厚山宮保

百年中外承平久此日眞思濟世才
明允幸瞻韓太尉
文忠每憶石徂徠富鄭公天聖八年中制科石介亦是
年進士二公故相得也公與吾師陳
蔡甫先生同年好友共知愛士溫如玉
曾見行邊動若
昨晉謁尤諄諄垂詢思伯子堂詩集

雷我亦談兵長劍在秋風吹上尉佗臺

萬里邊關昔戒嚴酒泉旌旆出城尖先零威望欽充國
西夏儲胥賴仲淹

聖主酬庸延世賞重臣轉餉肅兵鈴當時敢擬平淮雅
將相功高北斗瞻

戊子夏曾賦重
定回疆紀功詩

嶺南節度古來雄絕島蠻夷拜下風三至五羊迎父老

一時八寨靖兵戎

公甫調補兩廣
而連州罷兵

軍前號令明鵝鵲海

上流亡息雁鴻

今夏廣州大水公撫
巡恤州民忘其災

猶閔江淮秋漲盛

大臣憂

國本公忠

昨晉謁公備言吳
楚水災慨然太息

落拓當年有退之上書光範竟何爲卽今失路慙科目
自古傳人豈賦詞憂樂久懷天下共飛騰誰惜口邊遲
上公眼見如裴度汲引情原異植私

伯仁丈惠精華錄道援堂稟率書二絕奉柬

丈人何似魏和公三載羈栖百粵東我比漁洋更惆悵
秋來不見木棉紅

嗚咽穿雲裂石聲楚騷幽憤故難平九州聽徧哀笳曲
一劍歸來白髮生

雲麓第二圖爲鄭觀察題

觀察家於漳州自雲山

屬家茶農大令作圖今宦粵東城外亦有白雲山
值大令亦宦粵乃爲作第二圖而屬余爲詩焉

處爲霖雨心出抱煙霞意高懷固灑然巖壑話夙契羊
城似龍溪白雲映空翠放衙對拄笏故山宛秋霽東坡
三西湖到處餘遐思太白兩匡山至今鬱奇氣千年一
俯仰斯人有斯地相期崇令德餘事及文字功名信運
會寬大卽慈惠謝公整可爭召伯堤應繼洛陽敬司馬
小園亦堪記成都依鄭公幽棲復安寄移文已自慙遠
志更誰議詩成卽登臺朝爽邈無際時余方居觀察署
署中有臺曰應春
可望白
雲山

許青士乃濟觀察螺杯杯容酒今量一升有餘觀
察言客盡一螺者蓋少惟

此間飽君嘗盡二螺故自署二螺居士余聞
之亦戲飲二螺觀察屬爲銘乃綴以絕句

愛客能容阮步兵此中賢聖不須名憑將一勺觀滄海
醉夢魚龍亦有情

羚羊峽

鬱黔匯桂水浩洶奔端州高峽一鈴束勢欲回江流千
峯削積鐵石骨蟠螭蟠下貫地維裂中包陽景收其上
錯崢嶸奇鬼森昂頭陰風不外吹摩盪青天幽崩波益
湍急魚鼈不敢投如何索硯材入水無時休已聞下巖
塞更鑿西洞求嗟汝七尺軀慎勿撓潛虬崖傾壓古埃
沙列開平洲年荒盜賊多出險羣維舟

羚羊山寺

思伯子堂詩集

卷二十

士

沂流入羚羊
暝登荒峽麓
亂石結榕根
欹危不容足
叩門鐙慘澹
佛龕塵網屬
寺僧痛傾圯
世尊厭土木
飛泉久徙流
無處問梅竹
鬱江自西來
蒼山勢橫束
聞風不見濤
夜氣浩崖谷
扁舟在微雨
下視一火綠
寂坐逼虛空
森然萬象肅
唐年碑已湮
咨嗟人代速

登披雲樓

邊郡寒朝日
飛樓拓綺窗
七星橫北郭
三峽帶西江
城古苔皆滑
風高樹自撞
龍翔千載地
回首悵奔瀧

初七日游七星巖留宿石洞得詩八首

端州之北郭
七巖如秋星
偕問嵩臺石
何年洞不扃
高

張萬仞幕巧象百怪形陰氣貫鼉梁白日宵沈冥天光
忽倒墜石乳紛晶熒偉哉造化力尺寸皆幽靈崖傾壁
嶄絕妥帖懸飛亭湖光遠映山氣色爲吾青嫋嫋芳樹
下煙蘿亦已零想見古時人滅迹棲雲屏

寶陀何巉巖巖迤石室東憑高竄自立上出摩層穹水
月侈莊嚴鑄佛皆青銅借問創者誰討賊矜神功如何
邇餉急不與資兵戎矯首望玉虛嶺峭路絕蹤可憐三
天門一綫痕縈空斜攀貫鐵索俯瞰凌花宮亂石寸土
盡勢列槎枒雄我行穿其罅瞥若葉上蟲絕頂貼木末
白日行天風大鳥奮力飛欲近墮龍從坐駭碧落界獨

有清鐘通淒然意慘栗卻返碻危中目瞬足已縮接臂
號奚童脫險自嘆嗟孰暇悲何熊

水月號明季熊文燦建何吾騷作記

玉屏張如屏復在寶陀東蛇盤徑詰曲木石交龍從呀
然懸峽仄磴道攀援窮仰視蓋巨石側走穿樛櫨絕頂
一俯瞰氣勢何蒼雄山川曠百里掩映當琳宮嵯峨大
小湘牂牁流悲風羚羊鬱返照暝色來高空巖迴地轉
靜背出崖穹窿萬樹貝多羅裂罅蟠幽叢花開一鳥啄
下聞鳴寒蟲面壁且寂坐蕭然眾響通誰能此卜居拾
橡呼狙公

蒼然天柱色近擁石室西千仞勢嶄絕矗若排雲霓上

下多灌木中聞怪鳥嘯歛危越疊磴竄窾通幽棲榕葉
與窗平菊花交盆低地有太古春意與壽者齊石竇隘
如螺旋轉不可梯仙人搗藥散孰與論刀圭閒從老衲
話遠見夕景淒林外去濛濛坐恐去逕迷沿湖踏水影
聽泉尋風倪臨壑暝自息緩步忘攀躋

翻翻如海浪蕩蕩如江煙歷歷如月地蕭蕭如風天夜
坐石室中萬象在我前石氣映火白盡見鍾乳懸魁臺
上洞豁對射星光穿淒清響木葉或墜牟尼肩啾啾作
鬼語蝙蝠皆千年陰寒出四壁上下聞流泉仰睇勢恐
墮幽尋境屢遷山後卽孤亭暝色橫蒼然重巖黑影簇

浮動積水邊哀蛩亂穴罅眾竅相爲宣遐思北海後歲月多鑱鐫秉燭復幾人惜此良宵緣靜理了可悟眺聽適所便解事巖中僧淪茗亦未眠

我昨攬玉屏乃復失含珠清晨更獨往力憊緣崎嶇巖屏曉尙閉卻繞崖旁趨閣開一穴開石髓如瓜瓠盤空勢自墜偃蓋形誰刻其左更俯豁側入駭奧紆穹窿浮棟動厓屨履覆釜扶仰望壁阻絕龍宮何年書恐是蛟螭宅鱗爪各奮拏凜凜未敢憩湖堤訊老漁云此游人稀石角古所呼

石角盡東峯仙掌盡西巖繞徑背寶陀湖光曉猶黯天

柱與石室磊落隔水嵌葉綠壁罅斫薜翠崖陰咸波潌
碧欲活積氣浮凹廡陂陀歷百轉削時何巉巖下圻何
礧礧上垂何蕭々戟拔石骨峭磴絡林根伎倒影映湍
流落葉飄如芝盤旋蟻轉磨控引馬就銜紆迴蛇赴壑
一竇知誰鑿捫摸正黝黑曲折相局監側身那可伏俯
首不得酌其中扉反閉犬斷寒聲猶猿引卻復出鳥睇
重周瞻嶽岑見絕頂法界高深嚴如何朝靄隔目斷生
微寥靈蹤杳莫追吾真委塵凡

蟾蜍石室後慘澹未可游但見黑嶢嶢龍媼宅老湫人
閒靈怪迹厥理誰能求且憩聚星亭坐眺平湖鷗天帝

思伯子堂詩集

卷二十

去

觴百神下駟皆螭蚪石牀遺蛻在至今蟠螭繆嗟我不
得見命駕宜歸休頗愛茲山奇峭削復奧幽石能離地
立水解環巖周千年樹不死四時泉常秋登臨豈謂煩
林壑庶自謀題詩告山靈投老乞此州

歸途登寶月臺

七點星巖色蒼然水檻閒高臺見雲鳥天際亦飛還客
夢流泉過僧心落葉閒相逢話餘興何處不空山

登閬江樓作歌

少年意氣高青雲眼中何有平原君千金一擲作歌舞
酒酣卻誦陰符文大江西來走東海夜上金焦問真宰

滄波無恙月滿天何事六朝人代改飄然散髮弄扁舟
狂嘯或在太白樓可憐醉夢付秋浦滿目蒼山是粵州
前太白後東坡文章憎命將奈何夜郎幸免投魑魅猶
耳終看垂老過我行失路毋悲歌此樓此日當平世歲
晚天寒無瘴癘試望蒼梧弔有虞牂牁落日來天際誰
攀北斗杓墮落爲游戲欲問爛柯人已隨流水逝茫茫
高浪古與今永憶楚騷迴首青楓林野猿自叫百蠻夕
沙鳥安知萬里心我欲去卅霑襟君不見昨日苦短今
日長昨十二至日也短長閱盡千滄桑君不見宋徽宗白頭五
國哀冰霜何如老死端溪旁後來亦有永明王竄逐八

桂俘窮荒已知富貴等禍水更須十洲以外觀滄海誰
能低眉折腰向人氣不揚一生作客徒勞皇淚盡平生
歡樂場乃悲三峽驚濤有如此何必醺酒天塹始痛千
載英雄亡嗚乎醺酒天塹久痛千載英雄亡

出峽

重過羚羊峽徒悲倦鳥心高帆銜日小亂石夾天陰山
水仍朝暮風雲自古今還爲斧柯詠斧柯山與
羚羊對峙愁絕憶
瑤琴

十九日游頂湖山得詩四首

谿迴萬石深蕭蕭蔭喬木幽亭隱谷口下見澄潭曲夕

陽古不到千年閼寒綠獨坐聽山風棲禽語相續亭

半山

入山不見山絕壑奔流響萬木氣成雲葉落無人往鐘聲墮上方天光見一掌坐憩石華秋高深寄倚

補山亭

蒼蒼轉陰崖寂寂闕嘉樹客行入樛花白雲共來去山風弄幽泉落日不知處但聞經聲希蕭寥巖壑暮

慶雲寺

沿澗尋靈源孤亭企飛雪蒼茫萬古氣一洗空山骨寒碧匯潭光餘清滿林樾石壁多悲風夕陽浩明滅

飛水巖

佛山鎮

五都金粉麗十里玉河寬畫舫迷青雀歌樓盡彩鸞月能通夜惜花慣入冬看不信銀箏外居人有暮寒

花地

素馨無力泣秋風
臘粉零香怨草紅
多少玉顏亡國恨
笛聲吹盡夕陽中

奉黃愛廬

樂之考功

余去年閒九月出都
考功寫著色山水題詩贈
別當時欲以詩酬而未及
作今年六月行上蔡
西平閒車翻入水平生
珍惜書畫盡污損考功
所贈與焉既甚懊惜比來
廣州遇考功以內艱
南歸因出前嫌乞爲補綴
考功責前逋率賦奉

柬

考功五十意落落萬雞羣中見孤鶴餘事猶工詩畫書

自喜何曾偶然作七年來往軟紅塵

丙戌相識于都下

欲乞下

筆恐怪嗔秋風一夕憶鱸膾臨行留我停車輪贈我三

尺嫌眼明好山水飛翠流青瀑淵谿交花接屋紛桃李

春巒重重豈一態能事信手得妙理興到煙雲有古人

時艱邱壑無高士飄然短劍南復北俯仰天人空太息

夢裏嵯峨五嶽山鬢邊慘澹長河色愛君此幅供臥游

可憐造化還相仇無端馬逸陷泥淖百物成毀豈有由

摩挲粉墨祇殘影何論李白千金裘

時衣裘俱污損

攜來嶺外

慙相見豈無杜陵匹東絹高詠離情兩不忘點染應留

他日眷且如今年廣州潦萬室摧頽勞補繕酒榭微憐

花月荒歌樓那知金粉變忽因讀畫重憂時惟君知我

與世歧清才一代苦自笑贈詩云一代清吟客秋風轉

歧贈別無杯酒爲圖寄所思南歸吾久志心遂去帆馳盛名三絕良已奇君家大

阮我友友黃香鐵孝廉嘗稱令亦聞好客如好詩縣人

黎簡富文藝二樵先生考功同邑君昔出入誠多師風

流文采照中外負郭無田歸及艾我更滇隍挂片帆後

時何地仍傾蓋君觀此詩知我心我亦展畫時長吟山

高高水深深著書朝復暮看雲古與今不殊樂向圖中

尋不知身世憂患侵天涯故人或入夢啼鳥落花春滿

林

廣州江行至石龍漫作絕句

才放端溪溪口舟片帆東去訪羅浮平生意氣豪無用
到處江山漫獨游

新城樓閣對河南兩岸衰楊黯夕嵐莫漫臨風憶歌舞
有人流涕向江潭

夜趁潮行十里餘臥聞人語在空虛浪游慣覺風波樂
惠子安知不是魚

薊門九月葉紛飛嶺外冬殘紅四圍客久竟忘南土好
歲寒今愛萬山歸

葉葉蕭蕭瑟瑟聲芭蕉落日夾江明花如紅玉無人見
雨打風翻亦有情

黃木灣頭木半黃青山低壓古紅牆拖泥帶水緣何事

要看魚龍戲大荒

潮落水涸易小舟推挽於潮泥上始達浴日亭

碧山平遠只如煙一抹林光共映船貪看好詩忘日暮

野鴉啼落寺門前

時吳石華廣文屬選黎二樵先生詩乃於舟中評閱之

石龍晚照泊孤篷已見青蒼四百峯畫舫銀箏奏哀曲

不知上界有清鐘

浴日亭

青山到滄海高下皆煙痕極天積水霧浩浩暗虎門東

南地勢盡平見扶桑根夜來魚龍背三匝金烏翻道人
自高臥紅光滿江村客游但嘆息西顧斜景奔驚波盪
返照奇氣若可吞悵然萬古土擾攘同朝昏誰能九州
外更討百谷源飄風滿樓櫓遠近夷船繁蒼桐與黑鐵
夷船皆以銅包其底兩旁列鐵礮數門皆重千餘斤驕奪天吳魂側聞濠鏡澳盤
踞如塞垣毒土換黃金千萬去中原夷人以鴉片土易中國銀歲至二千餘萬歲稅復幾何容此醜類尊海關歲征稅不過百六十萬
者轉多方庇護之謂非如是則恐夷人尤桀黠督海來不知中國何需於彼而必欲其來耶狡狠鬼國恣
人地稱夷日鬼子陷溺生民冤海若何不靈惡浪失簸掀鯨鯢
有齒牙不嚙羣鬼跟嶺蠻昔反背請看銅鼓存海神廟有銅鼓

言係漢馬伏如何任煽誘不思固籬藩蚩蚩岸居氓慎
波征蠻所遺汝長子孫嗟余好長劒利截蛟鼉留之無所用欲擲
洪濤渾馳暉去不返身世空憂煩摩挲韓蘇碑難起逝
者論

由九漈潭入冲虛觀

清川三十里蕩漾山光中泊舟九漈潭遙見玉女峯青
天落飛瀑千丈奔黃龍心知華首臺幽絕雲壑重卻思
訪丹竈浩然懷葛洪世遠閼靈迹地寂淒寒容當門阻
疊巘盡蔽吾來蹤西崖墮落日東影明長松夕陰石巉
巖澗谷如無窮夜宿萬籟生蟲鳥叫雨風翻如水郭夢

曠莽流虛空羽花不可期旦暮塵勞同

冒雨至朱明洞欲尋青霞谷不得

朱明通句曲神奧古洞天不逢句漏令掩翳空千年山
寒響朝雨澗隱鏗流泉鬱鬱松蘿青石氣成虛煙側聞
青霞谷講學棲昔賢溼雲暗樵路疊嶂窮攀緣名存迹
已晦陵谷固自然緬彼太上士無營契真元

至白鶴觀尋五龍潭

朝出會仙橋復徑麻姑峰陂陀亂石黑水聲何浩洶道
人如老鶴笑指谿谷東瀑流迸百折煙雪迴長空何年
神物宅奮怒巖壑攻力盡骨不朽僵臥湍濤中絕壁夾

陰寒木石皆迎風上窺水簾洞雨暗不可窮元氣晝蒼茫飛洗太古蹤慘澹危梁閒悵望潭淙淙

由延祥寺上寶積寺試卓錫泉

山寺稍平曠煙雨爭紛飄待霽過午鐘越險尋初寮萬松氣蓋天千丈藤垂條倒曳石根怒併裂風濤驕冥漠互絕磴仰睇陰蕭蕭高騰飛鳥上下見百里遙洩雲倏吞吐俄頃迷山椒巨壁扼奔流雲海相動搖泉源大小殊所酌乃一瓢感此慨勞形慮遠近自撓何如閉關臥僧老忘昏朝洗藥池可濯伏虎巖可樵

入黃龍洞

昨從泊頭鎖遠愛黃龍瀑卻行抱珠橋飛動駭心目延
緣歷危磴滑突側疲足亂峯雨蓬蓬上下暗崖谷黑驅
海立影蒼破地裂腹轟騰雷霆鬬噴薄虹霓觸鐵壁鎖
玉龍怒吼忽自縮四望不見水浩白雲往復嶺盡勢到
天溪迴峽如屋乃驚千丈源平踏盡俯伏下窺森無底
陡落去何速激石煙倒翻空濛已山麓但聞悲風聲萬
馬不可束石梁跨幽步洞門擁喬木大松凍不死沈冥
隘空綠嵯峨老人倨嬋娟玉女蹙林梢通一顧水佩響
鳴玉虛廊坐超忽列植益環複時時氣高浮碧青寒意
蕭天華恨榛莽

南漢建天華宮

人代閱樵牧雞蟲泉內叫夜臥

夢正熟覺來思流杯

流杯池在瀑布上

金砂變醴醪

黃龍南漢所名古卽

金砂
洞也

出黃龍洞入華首寺

夢回正風雨曉起煙滿山笑別千年松酒罷出洞門仙
書未漫滅水石爭飛翻半嶺一留眺瀑布懸三源乃知
昨來時蔽塞萬丈雲雲中坐臥處回首空無痕遲徊度
石梁沿緣仍谿巒深澗暗如海浮綠氣高寒飛泉咽陰
翠積葉靈蒼丹冥冥啼鳥轉漠漠空晝昏淒音滿崖谷
寂聽若有端茲爲靈構區意得可忘言緬懷五百佛何
當去人羣絕迹托幽棲林壑謝往還

是夜宿寺中口號

萬松立雲氣一半影蕭然
曉鳥不知暮千崖和落泉
丹黃風外葉蒼翠石中天
鐘動高寒峭看山獨未眠

曉入合掌巖至洗衲石觀瀑

北風何淒淒淒淒生桂枝
孤芳結冷夢起行如有思
空山曉無人落葉紛幽蹊
悄睇萬樅高寂動一鳥曉
深迴亂泉響與阻層崖碕
礦蘿轉窈窕涉露緣欹危
穹巖半擘劃中豁上蔽虧
千年削鐵骨誰能訊台離
忽聞絕磴瀑裂壁高翻飛
空清不留影浩浩天風吹
雲雪未可方上有飛雲
洗雪石刻何當洗衲衣
湛然碧潭永想見太古時
人閒

徇物役世外存天倪靈樞蔑構架化跡忘攀躋耿此獨
往心緬彼逝日悲安知後游者不使來徑迷林光浥浥
伏石勢盤盤維灑落百尋源去爲何處谿下流但飲水
未覺甘液稀始信造化功澹絕愚知機

晚霽登華首後山眺望

仙山三日雨雲氣浩滿空天風一吹散始見青芙蓉上
界足羣真遊戲四百峯鐵橋復誰卽夜樂忽自逢高崖
咽流泉絕壑酣笙鐘哀禽互叫嘯樅桂幽成叢采藥憩
危石悵望無來蹤水煙動夕光明滅川原重招彼五色
蝶喚此千潭龍謝汝塵世士吾將棲閬風

梅花村

麻姑峯外酒人家銷盡冰魂一樹花
雨不來春寂寂當門殘月曉風斜

出雨花橋過花手寺至泊頭作

蒼山千瀑布一片落煙雲昨夜更風雨
空濛曉不分石磴窈窕木葉古紛紛

卻倚七星下蕭然萬籟聞蒼翠入天深
巖崖不可尋獨行過諸澗回望見千岑

遙連雲洞丹砂隱石林三峯卽靈界
誰度鐵橋陰闔遺稚川宅徒留黃野人
天清樵拜虎月黑鬼驅燐藻石精俱竭
柑園貢不陳仙鄉畏兵劫

嘉慶七年博羅賊嘗焚掠諸寺觀至

今進何止海揚塵

山如聽詩叟

雁宕東谷口有石峯名聽詩叟常在雲外若招客狀此山老人峯亦然

直送

我登舟花手看雲海峯肩倚石樓天盤風雨氣泉挂古今秋坡老維舟後無人記泊頭

野泊

十二月初二夜

風雨天沈海魚龍氣出雲蒼茫寒欲動空闊夜多聞一歲他鄉暮孤舟遠夢紛不堪遙聽柝野火照荒濱

雲麓觀察仍次小湖學使詩韻贈別復次韻奉酬何年使節向南州小吏占星語傳郵此去路先三峽永傷離腸已九迴周杜陵或有詩能富魯國會無政不謀

已喜賢勞能戴澤白雲漫憶故山游

飢溺徒懷禹稷思蒼茫天地託微辭百家幾見中人產

一役皆需內帑貲廣州屬邑水淹諸南海白波官舫路

觀察方親履北風黃葉酒船卮他宵兩地同霜月身世

多愁各似絲

珠江話別圖爲顧工部椿題

粵浦流珠海燕雲望玉京江寒萬楊柳一夜作離聲天

遠月如夢酒闌人欲行蕭蕭去帆影多少送歸情

八桂通三峽工部將先歸粵西孤舟沂萬灘夜來薊門

雪猶憶海南寒工部眷屬豈謂交游薄多應骨肉懽相

逢尉佗國漫側漢臣冠

萬古羅浮瀑千巖風雨殊我行憶玉局曾未訪豐湖

項歸

自羅浮欲游惠州西湖不果

昨者對煙水君先入畫圖

工部主講豐湖書院二年

金門儻回首總隔海雲孤

青士觀察次小湖侍御韻枉題近詩仍次韻奉酬

人聞何處問荊州白也年來困旅郵醉後已看滄海小

夢中欲覽大荒周千秋閱世真如寄萬事由天豈信謀

獨愧名卿古風誼肯憐微抱惜羈游

十年能繫粵人思此去朝

天定有辭

時方內召

五市不嚴邊海令度支終絀大農貲

近

夷船專以鴉片土易內地銀錢至一千數百萬以悲歌故東南生計日細若不變法杜絕將來益可憂矣
欲棄君苗硯酣飲真宜叔夜卮惆悵南枝如雪外後先
江月照鞭絲

風雪入關圖爲吳石華

蘭修

教諭題

君言由大
同入居庸

太行萬峯莽向北雲中列塞慘無極驚風驅雪雁不飛
匹馬西來走邊色居庸遠接長城昏金元故壘徒紛紛
及關回首望代朔武靈骨朽無荒墳此皆英雄百戰地
戍樓捲蓬煙倒翳北平不見飛將材廣武悲來阮籍涕
層崖吸嶭錯九陁草木凍割太古青勢馳浩洶石陡裂
寒出黯澹雲先冥輪摧蹶折過者幾候騎無聲鼓角死

蒼黃大野晝飛沙。浩白長空氣懸水。燕臺酒徒慷慨歌。
貴家羊羔嬌翠蛾。豈知書生一雄劒。仰天欲鏹山嵯峨。
棄襦不滿豪奴笑。路入中原且孤嘯。迴看遼海塞。層冰
誰拓幽州返。斜照當時磊砢英。多人乃使飄泊關山塵。
卽今嶺外坐愁嘆。何止旱潦千家貧。著書漫與消寂寞。
歲晚天寒風雨作。我方獨過橫浦關。相思如雪梅花落。
愛廬考功臨張伯美山水畫冊屬題

南宗旣盛北宗微。禪畫皆從唐代歧。每觀士人貴寫意。
頗似老衲持鋒機。豈知初祖溯張顧。但仰摩詰如曹溪。
往者石田實者舊。妙合能秀俱傳衣。當其落筆入神逸。

大乘具足羅漢儀嗟君早擅正法眼獨以此翁爲導師

考功畫學
沈石田

長縑短幅恣粉墨豆人寸馬呈天倪尤工亂

泉與翠壁水石在手雲能飛畫家骨蒼要韻遠氣勢色
澤能事齊青蓮花現一彈指漫執枯寂求迦尼看君揮
灑大自在頓悟應識非人爲臨摹游戲無不可參方杖
錫隨所之此圖十幅各異態或言伯美遜此奇離合高
下總幻相煙嵐風雨含幽姿我自豐干愧饒舌佳山水
處真思歸青天飛瀑雪滿地面壁蕭然何有詩

石華丈招游光孝寺次漁洋先生韻奉柬

嶺南尉佗國草木皆秦餘如何天竺樹蔭此訶林居處

翻昔竄逐漲海悲龍魚弔客付青蠅自恨節久疏及今
貴游客頗喜多珊瑚蒼葭渺白露赤狐隨黑鳥豈無超
世士沛公不喜儒與君不媚骨安能塵埃趨對酒忽起
視浮雲天四隅菩提改故柯人事安足獻